



Coa presenza de 43 representantes das asembleas locais e comarcais de toda Galicia tivo lugar na mañá do sábado 2 de xuño no Concello de Teo a conformación dunha coordinadora nacional da corrente nacionalista [Novo Proxecto Común](#) . Ademais da instalación do órgano, a organización manifestou públicamente a súa vontade de participar en "futuras convocatorias electorais".

A formación confirmou o seu perfil ideolóxico nun manifesto xurdido da xuntanza co título "Poñendo os alicerces", nomeadamente como "nova organización de carácter asembleario, aberto e plural, de integración individual e organización territorial, con vocación de continuidade na acción social, de carácter nacionalista, expresión política do galeguismo, e enmarcada tanto na tradición plural da esquerda como nas novas expresións da mesma."

A reunión de Teo contou cunha importante participación de militantes nacionalistas do Val Miñor ( [uns dos principais pulos da corrente](#) ) con representantes das [assembleas constituídas](#) en Baiona, Gondomar e Nigrán.

Segundo o informado polos voceiros do NPC, a corrente seguirá a traballar na conformación de asembleas locais e comarcais por todo o país, así como na preparación dunha reunión

Escrito por Redaccion @valminorinfo  
Domingo, 03 Xuño 2012 06:33

---

assemblearia de carácter nacional.

